

六朝詩集

阮嗣宗集卷一

賦

東平賦

夫九州有方圓九野有形勢區域高下物有其
制開之則通塞之則否流之則行壅之則止崇
之則成丘陵汗之則爲數澤逶迤漫衍繞以大
壑及至分之國邑樹之表物四時儀一作宜其象
陰陽暢其氣傍通迴盪有形有德雲升雷動一
叫一默或由之安一作觀乃由斯惑若觀夫偶隈
之缺幽荒之塗忽漠一作漢之域窮野之都奇偉

譎詭不可勝圖乃有徧遊之士浩養之雉凌一作

陵驚飈躡浮霄清濁俱逝吉凶相招是以冷一作

伶一作淪一作倫一作遊鳳於崑崙山之陽鄒子喻一作溫

於黍谷之陰伯高登降於尚季之上羨門逍遙

於三山之岑上教玄圃下遊鄧林鳳鳥自歌翔

鸞自舞嘉穀蕃殖匪我稷黍其阨陋則有橫術

之場鹿承之墟匪脩潔之攸麗予穢累之所如

西則首仰阿甄傍通戚蒲桑間濮上淫荒一作

所廬三晉縱橫鄭衛紛敷豪俊凌厲徒屬留居

是以強御橫於戶牖怨毒舊於牀隅仍鄉一作

飲一作飲而作匿豈待久發諸七一作色惟中劉王

是聚高危臨城窮川帶宇叔氏婚一作媚族實在

其湄背險向水垢汗多私是以其州閭鄙邑莫

言惑一作或非情殪戾慮以殖厥資其土田則原

壤蕪荒樹藝失時疇畝不辟荆棘不治流潢餘

餘滄洋溢靡之東當三齊耶一作邪接鄒魯長塗

千里受茲商旅力間為率師使使輔驕僕織邑

於焉斯康川澤捷徑洞庭荆楚遺風是過是徑

是宇由而紹俗靡則靡觀非夷罔式導斯作殘

是以其唱和務矜勢背理向姦尚氣逐利囚畏

惟愆其居康壅翳蔽塞窕遂弗章倚以陵墓帶

以曲房是故居之則心昏言之則志哀悸一作

同

一作徒

易靡所寤懷其外幸

一作

濁紫

其澹清濟盪其焚

一作

其北有連岡拖靡崎嶇

山陵崔巍雲電相干長風振厲蕭條太原其南

則浮汶湛湛行潦成池深林茂樹蓊鬱參差群

鳥翔天百獸交馳雖黔首之不淑兮黨山澤之

足彌古哲人之微貴兮好政教之有儀彼玄真

之所寶兮樂寂寞之無知咨閭閻之散感兮因

回風以揚聲瞻荒裔之蕪穢兮顧東山之葱青

甘丘里之舊言兮發

一作廢

新詩以慰情信嚴霜

之未滋兮豈丹木之再榮北門悲於殷憂兮小

弁哀於獨誠鷗端一而以慕仁兮何純朴之靡

逞彼羽儀之感志兮矧伊人之匪靈時愀惻以

遙思兮颺飄颻以欲歸欽邛遊於陵顛兮舉斯

群而覓飛物脩

一作脩

化而神樂兮寧遐觀之可

追乘松舟以載險兮雖無維而自繫駟騶駟於

狹路兮願塞驢而弗及資章甫以遊越兮見犀

兕之先入被文繡而賈戎兮識旃裘之必襲泰

淳德之平和兮孰斯邦之可集將言歸於美俗

兮請王子與俱遊漱玉液之滋怡兮飲白水之
清流遂虛心而後已兮人何懷乎患憂

重曰嘉年時之淑清兮美春陽以肇夏託颺颺
而載行因形骸以成駕遵間維而長驅兮問迷
罔於苑風玄雲興而四周兮寒雨淪而下降忽
一寤而喪軌兮蹈空虛而遂征扶搖蔽於合墟
兮咸池照乎增城欣煌熠一作耀之朝顯兮喜太
陽之炎精馮虛舟以逞思兮聊逍遙於清冥謨
玄真之謔訓兮想至人之有形繡靡覩其紛錯
兮慮彌遠而度逼並旋軼於畎澮兮若空桑之

可即言淫衍而莫兮心綿綿而未息集舒詰一作

詰以鑒戒兮賜衆悔之難測神遙遙以獨歸兮

畏雙環之在側咨禽鳥之不群兮悼悠悠之無

極感藜藿之易脩兮攝左右之相譽懼從風而

永去兮託顓頊於傾一作隅雖琴瑟之畢存兮

豈聲曲之復舒慮一作遨遊以覲奇兮彼上騰

其焉如紛曖曖以糾錯兮漫浩漭而未靜理都

縲而改據兮竦端委而自整制規矩以儀衡兮

占我龜以觀省眺茲與之所徹兮寔斯近而匪

遠豈三年之無問兮將一往而九反顧裏一作

曰之初開兮馳曲陵而飾容時零落之飄飄兮
誠一作試祐苑之必從釋遼遙一作夜之闕度兮習
約結之常契巡襄城之間一作問牧兮誦純一之
遺誓被一作彼風雨之沾濡兮安敢軒翥而遊署
悄竊之眷一作羞貞兮泰恬澹而永世豈淹留以
爲感兮將易狼手殊方乃擇高以登栖兮永欣
欣而樂康

首陽山賦

正元元年秋余尚爲中郎在天將軍府獨往南
墻下北望首陽山作賦曰

在茲年之末歲兮端旬首而重陰風颺即以曲

至今雨旋轉而纖纖一作襟蟋蟀鳴乎東房兮題

鳩號乎西林時將暮而無儔兮慮悽愴而感心

振沙衣而出門兮纓委絕而靡尋步徙倚以遙

思兮喟歎息而微吟將脩飾而欲往兮衆嗟嗟

而笑人靜宋寔而獨立兮亮孤值一作而靡因

懷分索之精情一作一兮穢群偽之射真信可寶

而弗離兮寧高舉而自儼聊仰首以廣頰兮瞻

首陽之岡岑樹叢茂以傾倚兮紛蕭爽而揚音

下崎嶇而無薄兮上洞激一作而無依風翔過

而不集兮鴈臬群而並棲颺遙逝而遠去兮二
老窮而永歸寔囚軋而康斯兮焉暇豫而敢誹
嘉粟屏而不存兮故甘死而採薇彼背殷而從
唱兮投危敗而弗遲比進而不合兮又何稱乎
仁義肆壽夭而弗豫兮競毀譽以爲度察前載
之是云兮何美論之足慕苟道求之在細兮焉
子誕而多辭且清虛以守神兮豈慷慨而言之

亢父賦

吾嘗遊元父登其城使人愁思作賦以誣一作謔
之言不足樂也

元父者九州之窮地先代之幽墟者也故其地
郭卑小局促危隘不遐其土田則汗除漸淤泥
濕繁洿方池邊屬兮容一作客水滂沲穢菜惟產
兮不食實多地下沉陰兮受氣匪和太陽不周
兮殖物靡加故其人民頑翬耨朽下愚難化其
區城雍絕斷塞分迫旋淵終始同貫本末一作宗
相牽疇昔訖今曠世歷年鉅野猪其後窮濟盡
其前馴澮不暢垢濁寔臻不肖群聚屋空無賢
故其民放散情一作清亂藪鼠澤居比跡麋鹿齊
志豪樞一作樞是以其原壤不辟一作辭樹藝希疏

莧葦彌臯蛟蜃慘膚也于其遠險則右金鄉而

左高平崇陵崔巍深溪崢嶸美類不處熊虎是

生故人民被害嚼齧禽性獸情爾之近阻則鳴

鳩陰其前曲城發其後鴟梟群翔狐狸萬口故

其人民狼風豺氣盜一作電無厚南望春

申東瞻孟常一作嘗袁界薛邑境邊山陽逆旅行

舍姦盜所藏北臨平陸齊之西封捷徑燕趙逃

遁一作遙故其人民側則一作匿頗僻隱蔽不公

懷私抱詐爽匿是從禮義不設淳化匪同先指

遺言有昭有聾如何君子栖遲斯邦

鳩賦

嘉平中得兩鳩子常食以黍稷之旨沒平一作卒

為狗所煞故為作賦伊嘉年之茂惠一作慧洪肇

恍惚以發蒙有鷦緣之奇鳥以鳴鳩之攸同翔

彫木以胎偶一作隅寄增巢於喬松喻雲霧以消

息遊朝陽以一作而相從踰旬時而育類嘉七子

之脩容始戢翼而樹羽遭驚風之蕭瑟旣顛覆

而靡救又振落而莫弼陵桓山以徘徊臨舊鄉

而思入揚哀鳴以相送一作逆悲一往而不集終

漂搖以流離傷弱子之悼栗何依恃以育養賴

兄弟之親昵背草蔡一作以求仁託君子之靖

靜一作室甘黍稷之芳饍安戶牖之無疾潔文襟

以交頸玩華麗之艷溢一作端妍姿以鑒飾好

威儀之如一聊俛仰以逍遙求愛媚於今日何

飛翔之羨慕願一作投報而志畢值狂犬之暴

怒加楚害於微軀欲殘沒以麋滅遂捐棄乎倫

夫嗟薄賤之可悼豈有忘於須臾

清思賦

余以爲形之可見非色之美音之可聞非聲之

善昔黃帝登仙於荆山之上振咸池於南之岡

鬼神其幽而變牙

一作

不聞其童女姓嬀

一作

榮於東海之濱而翩翩於洪西之旁林石之隕

從而瑤臺不照其光是以微妙無形寂寞無聽

然後乃可以覩

一作觀

窈窕而淑清故白日麗光

則季后不步其容鍾鼓閭鈴則延子不揚其聲

夫清虛

一作靈

寥廓則神物來集飄颻恍惚則洞

幽貫冥冰心玉質則激潔思存恬澹無慾則泰

志適情伊哀慮之適

一作道

好兮又焉康而靡違

寒風邁於叅谷兮父誨子而遊鵲申孺悲而母

歸兮吳鴻哀而象生茲

一作慈

感激以達神豈浩

瀟而弗營志不覬一作凱而神正心不蕩而自誠

固秉一而內脩堪粵止之匪傾惟清朝而夕晏

兮指濛汜以永寧是時羲和既頽玄夜始屆望

舒整轡素風來征輕惟連颺華茵一作蕭清彭

蟬微吟螻蛄徐鳴望南山之崔巍兮顧北林之

葱青太陰潛乎後房兮明月耀乎一作前廷

王申道而缺寐兮忽一悟而自驚焉長靈以遂

寂兮將有歛乎所之意流盪而改慮兮心震動

而有思若有來而接兮若有去而不辭心恍惚

而失度情散越而靡治豈覺察而明真兮誠雲

夢其如茲警

一作驚

竒聲之異造兮鑑殊色之在

斯開丹山之琴瑟兮聆崇陵之嶮嵯始徐唱而

徽響兮悄悄慧以蜺虵遂招

始一作始

雲

一作雪

以致

氣兮乃振動而大駭聲颺颺洋洋若登崑崙而

臨西海超遙茫渺不能究其所在心瀼瀼而無

所終薄兮思悠悠而未半鄧林殫於大澤兮欽

邛悲於瑤岸徘徊夷由兮猗靡廣衍遊平圃以

長望兮乘水之華旂長總蕭以永至兮滌平衢

之大夷循

一作修

路曠以徑通兮群閨

一作閨

闥而

洞闡美要眇之飄遊兮猗東風以揚暉沐洎淵

以淑密兮體清潔而靡譏厭白玉以爲面披丹

霞以爲衣襲九英之曜精兮佩瑤光以發微服

儵煜以儵紛兮粹

一作舉

衆采以相綏色熠以流

爛兮紛雜錯以歲粧蒙朝雲之一合兮似變化

之相依靡常儀使先好兮命河女言歸步容與

而特進兮盼兩楹而升墀振瑤谿之

一作而

鳴玉

兮播陵陽之斐斐蹈消渙之危

一作危

跡兮躡離

散

一作故

之輕微釋安朝之朱履兮踐席假而集

惟敷斯來之在室兮乃飄忽之所晞馨香發而

外揚兮媚顏灼以顯姿清言竊其如蘭兮辭婉

嫿而靡違託精靈一作虛之運會今日月之餘暉

假淳一作訖浮精一作氣之清微兮幸備嫿以自私

願申愛於今夕兮尚有訪乎是非芬芳之夕暢

兮將暫往而永歸觀恍懌一作憚而未靜兮言未

究而心悲嗟雲霓之可憑兮翻揮翼而俱飛棄

中堂之局促兮遺一作遣戶牖之不康惟慕張而

靡御兮凡一作几筵設而莫輔載雲輿之奄靄兮

乘夏后之雨龍記折丹木以蔽陽兮竦芝蓋之

三重翮翼翼以左右兮紛悠悠以容容瞻朝一作

雲霞之相承似美人之懷憂采色雜以成文兮

忽離散而不留若將言之未發兮又氣變而飄

浮若垂髦而失鬣兮飾未集又形消目流盼而

自別兮心欲未來而貌遼紛猗靡而未靜兮光

列宿一作霜之規矩時黨莽而陰曠兮忽不識乎

舊宇邁黃袂之崇臺兮雷師奮而下雨內一作閭

英括一作招與長年兮咎一作苦離倫與膺賈摧一作

推一作題而折鬼神兮直徑登乎所期一作斯歷四

荒而縱懷兮誰云顧乎或疑超高躍而疾一作驚

兮至北極而放之援一作援問維一作紅以相示兮

臨寒門而長辭既不以萬物累心兮豈一女子

之足思

獼猴賦

昔禹平水土而使益驅禽滌蕩川谷兮櫛梳山林是以神姦形于九鼎而異物來臻故豐狐文豹釋其裘問尾騶虞獻其珍夸父獨鹿拔一作杖其豪青馬三騅棄其群此以奇壯而殘其生者也若夫熊狙之遊臨江兮見厥巧一作切以乘危嚙負淵以肆志兮揚震聲而一作以皮膚間曠而或昭兮何幽隱之罔隨驥畏逼以潛身兮穴神丘之重深終或一作成餌以求一作來食兮鳥一作鳥

鑿之能禁誠有利而可欲兮雖希覲而爲禽故
近者不彌歲遠者不歷年大則有稱於萬年細
者則爲笑於目前夫獼猴直其微者也猶繫累
於下陳體多似而匪類形乖殊而不純外察惠
而內無度兮故人面而獸身性褊淺而干進兮
似韓非之因秦楊眉額而驟脾兮似巧言之僞
眞藩從後之繁衆兮猶伐樹而喪隣整衣冠而
偉眼兮懷傾王之思歸嗜慾而盼視兮有長
卿之妍姿舉歸頭一作吻一作吹而作態兮動可增
而自新沐蘭湯而滋穢兮匪宋朝之媚人終蚩

弄而康泄兮雖近習而不親多才伎其何爲兮
固受垢而貌侵姿便捷而好枝一作伎兮超超騰
躍乎岑岵旣東避兮遂中岡而被尋纓微纒以
拘制兮顧西山而長吟緣榱桷以容與兮志豈
忘乎鄧林庶君子之嘉惠設竒視以盡心且須
臾以永日焉逸豫而自矜斯伏死於堂下長滅
沒一作後乎形神

阮嗣宗集卷一

阮嗣宗集卷二

五言詩

於心懷寸陰羲陽將欲冥揮袂撫長劍仰觀浮
雲征雲間有玄鵠抗音揚哀聲一飛冲青天曠
世不再鳴豈與鶉鷄遊連翩戲中庭譽鳩飛桑
榆海鳥運天池豈不誠宏扶搖安可期翔
不若栖樹枝下集蓬艾間上游園圃籬
但亦亦自足用子爲追隨

登高臨四野北望青山阿松柏翳岡岑飛鳥鳴
相過感慨懷卒酸怨毒常苦多李公悲東門蘓

子狹三河求仁自得仁豈復歎咨嗟

夜中不能寐起坐彈鳴琴薄帷鑒明月清風吹
我衿孤鴻號外野翔鳥鳴北林徘徊將何見憂
思獨傷心

誰言萬事艱逍遙可終生臨堂翳華樹悠悠念
無形彷徨思親友倏忽復至冥寄言東飛鳥可
用慰我情

嘉時在今辰零雨灑塵埃臨路望所思日夕復
不來人情有感慨蕩漾焉能排揮涕懷哀傷辛
酸誰語哉

生命辰安在憂戚涕沾襟高鳥翔山崗燕雀棲
下林青雲蔽前庭素琴懷我心崇丘有鳴鶴豈
可相追尋鳴鳩嬉庭樹焦明遊浮雲焉見孤翔
鳥鷓鴣無足群死生自然理消散何續紛

步遊三衢旁惆悵念所思豈爲今朝見慌忽誠
有之澤中生喬松萬世未可期高鳥摩天飛凌
雲共遊嬉豈有孤行士垂涕悲故時

清露爲凝霜華草成蒿萊誰云君子賢明自安
可能乘雲招松喬呼喻永矣哉

井心失因澤重德喪所宜善言焉可長慈惠未

易施不見南飛鷺羽翼正差池高子怨新詩三
閭悼乖離何爲混沌氏倏忽體貌隳

十日出陽谷弭節馳萬里遙天耀四海倏忽潛
濛汜誰言焱炎久遊沒河行
者豈長生亦
去荆與杞千歲猶崇朝一食
是非得夫

間焉足相譏理計利知術窮哀情
能止

東南有射山汾水出其陽六龍服氣興雲蓋功
天網仙者四五人逍遙宴蘭房寢息一純和呼
喻成露霜沐浴丹淵中炤耀日月光豈安邇靈
臺游養去高翔

湛湛長江水上，有楓樹林。皋蘭被徑，路青驪遊。
駸駸遠望，令人悲盛。氣感我心，三楚多秀士。朝
雲進荒淫，朱華振芬芳。高秦相追尋，一爲黃雀
哀。涕下誰能禁。

自然有成理，生死道無常。智巧黃端出，大要不
易方。如何夸毗子，作色懷驕腸。乘軒駟良馬，憑
几向高梁。被服織羅衣，深榭設閑房。不見日夕
華，翩翩飛路旁。

二妃遊江濱，逍遙順風翔。交甫懷環珮，婉孌有
紛芳。綺靡情觀愛，千載不相忘。傾城迷下蔡，容

西廂記卷三
三
好結中腸感激生憂思萱草樹蘭房膏沐爲誰
施其雨怨朝陽如何金石交一旦更離傷

嘉樹下成蹊東園桃與李秋風吹飛霍零落從
此始繁華有憔悴堂上生荆杞驅馬舍之去去
之上山趾一身不自保何況戀妻子凝霜被野
草歲暮亦云已

昔日繁華子安陵與龍陽天天桃李花灼灼有
輝光恍懌若九春罄折似秋霜流盼發姿媚言
笑吐紛芳携手等歡愛宿昔同衣裳願爲雙飛
鳥比翼共翱翔丹青著明誓永世不相忘

殷憂令志結怵惕常若驚逍遙未終宴朱華忽
西傾蟋蟀在戶牖螻蛄號中庭心腸未相好誰
已亮我情願爲雲間鳥千里一哀鳴三芝延瀛
洲遠遊可長生

夸談快憤懣情懽發煩心西北登不周東南望
鄧林曠野彌九州崇山抗高岑一食萬世千
歲再浮沉誰云玉石同決下不可禁人言願延
年延年欲焉之黃鵠呼子安千秋未可期潛見
安能處山巖在一時置此明朝事日夕將見欺

一本第五句云獨山崑中
何好猗靡相携持悅澤猶今辰計校在一時

置此明朝事
日夕將見欺

拔劍臨白刃安能相中傷但畏工言子稱我三
江旁飛泉流玉山懸車栖扶桑日月徑千里素
風發微霜勢路窮達咨嗟安可長貴賤在天
命窮達自有時婉孌佞耶子隨利來相欺孤思
損惠施但爲讒夫蚩鵠鵠鳴雲中載飛靡所期
焉知傾側士一旦不可持

開秋聲涼氣蟋蟀鳴牀帷感物懷殷憂悄悄令
人悲多言焉所告繫辭將訴誰微風吹羅袂明
月曜清暉晨鷄鳴高樹命駕起旋歸

驚風振四野迴雲陰堂隅牀帷爲誰設几杖爲
誰扶雖非明君子豈闇桑與榆世有
芒將焉如翩翩從風飛悠悠去故居離麾玉山
下遺棄毀與譽

朝登洪坡顛日夕望西山荆棘被原野群鳥飛
翩翩鸞鷟持栖宿性命有自然建木誰能近射
干復嬋娟不見林中葛延蔓相勾連

危冠切浮雲長劍出天外細故何足慮高度跨
一世非子爲我御逍遙遊荒裔顧謝西王母吾
將從此逝豈與蓬戶士彈琴誦言誓

周鄭天下交街術當三河妖冶閑都子煥燿何
芥葩玄髮發朱顏睇盼有光華傾城思一顧遺
視來相誇願爲三春遊朝陽忽蹉跎盛衰在須
臾離別將如何

河上有丈人緯蕭棄明珠甘彼藜藿食樂是蓬
蒿廬豈効續紛子良馬騁輕與朝生衢路旁夕
痊橫術隅毀笑不終宴俛仰復欬戲鑒茲二三
者憤懣從此舒

儒者通六藝立志不可干違禮不爲動非法不
肯言渴飲清泉流飢食并一簞歲時無以祀衣

服常苦寒屣屣詠南風
緼袍笑華軒信道守詩
書義不受一食烈烈褒貶辭
老氏用長歎

阮嗣宗集卷二

阮嗣宗集卷三

五言詩

幽蘭不可佩朱草爲誰榮脩竹隱山陰射干臨
增城葛藟延幽谷縣縣瓜瓞生樂極消靈神哀
深傷人情竟知憂無益豈若歸太清

北里多奇舞濮上有微音輕薄閑遊子俯仰作
浮沉捷徑從狹路僂俛趣荒淫焉見王子喬乘
雲翔鄧林獨有延年術可用慰我心

獨坐空堂上誰可與歎者出門臨永路不見行
車馬登高望九州悠悠分曠野孤鳥西北飛離

獸東南下日暮思親友晤言用自寫

少年學擊劍妙伎過曲城英風截雲霓超世發
奇聲揮劍臨沙漠飲馬九野垧旗幟何翩翩但
聞金鼓鳴軍旅令人悲烈烈有哀情念我平常
時悔恨從此生

炎火延萬里洪川蕩湍瀨彎弓掛扶桑長劍倚
天外泰山成砥礪黃河爲裳帶視彼莊周子榮
枯何足賴捐身棄中野鳥鳶作患害豈若雄傑
士功名從此大

平晝整衣冠思見客與賓客者誰
子倏忽若

飛塵裳衣佩雪氣言語究靈神
須臾相背棄何時見斯人

多慮令志散寂寞使心憂
翱翔觀彼澤撫劍登輕舟
但願長閑暇後歲復來遊

朝出上東門遙望首陽基
松柏鬱森沉鸛黃相與嬉
逍遙九曲間徘徊欲何之
念我平君時鬱然思妖姬

王子十五年遊衍伊洛濱
朱顏茂春華辦惠懷清真焉
見浮丘公舉手謝時人
輕蕩易恍惚飄飄棄其身
飛鳴且翱翔揮翼且酸辛

壯士何慷慨志欲威八荒驅車遠行役受命念
自忘良弓挾烏號明甲有精光臨難不顧生身
死魂飛揚豈爲全軀士効命爭戰場忠爲百世
榮義使令名彰垂聲謝後世氣節故有常

寒門不可出海水焉可浮朱明不相見奄昧獨
無侯持瓜思東陵黃雀誠獨羞失勢在湏臾帶
劍上吾丘悼彼桑林子涕下自交流假乘汧渭
間鞍馬去行遊

洪生姿制度被服正有常尊卑設次序事物齊
紀綱容飾整顏色罄折執圭璋堂上置玄酒室

中盛稻梁外厲貞素談戶內滅芬芳放口從裏
出復說道義方委曲用旋儀姿態愁我腸

平生少年時輕薄好絃歌西遊咸陽中趙李相
經過娛樂末終極白日忽蹉跎車馬復來歸反
顧望三河黃金百鎰盡資用常苦多北臨太行
道失路將如何

昔聞東陵瓜近在青門外連軼距阡陌子母相
勾帶五色曜朝日嘉賓四面會膏火自煎熬多
材被災害布衣可終身寵祿豈足賴

步出上東門北望首陽岑下有採薇士上有佳

樹林良辰在何訴凝霜沾衣襟寒風振山崗玄
雲起重陰鳴鴈飛南征鷓鴣發哀音素質遊商
聲悽傷我心

昔年十四五志尚好詩書被褐懷珠玉顏閔相
與期開都臨四野登高有所思丘墓蔽山岡萬
世同一時千秋百歲後榮名安所之乃悟羨門
子數數令自嗤

徘徊蓬池上還顧望大梁綠水揚洪波曠野莽
茫茫走獸交橫馳飛鳥相隨翔是時鶉火中日
月正相望朔風厲嚴寒陰氣下微霜羈旅無儔

足俛仰懷哀傷小人計其功君子道其常豈惜
終憔悴詠言著斯章傳物終始殊脩短各異方
瑯玕生高山芝英曜朱堂焚焚桃李花成蹊將
天傷焉敢希千術春表微光自非凌風樹憔悴
鳥有常

若花耀四海扶桑翳瀛洲日月经天塗明暗不
相讐窮達自有常得失又何求豈効路上童携
手共遨遊陰陽有變化誰云沉不浮朱黷躍飛
泉夜飛過吳洲俛仰運天地再撫四海流繫累
名利場駑駘同一輶豈若遺耳目升避去殷憂

西方有佳人皎若白日光被服纖羅衣左右珮
雙璜脩容耀姿美順風振微芳登高眺所思舉
袂向朝陽寄顏雲霄間揮袖凌虛翔飄飄恍惚
中流眄顧我旁悅懌未交接悟言用感傷

北臨乾昧谿西行遊少任遙顧望天津臨蕩樂
我心綺靡存亡門一遊不再尋儻遇晨風鳥飛
駕出南林莽養瑤光中忽忽肆荒淫休息宴清
都起世文誰禁

天馬出西北由來從東道春秋非有托富貴焉
常保清露被皐蘭疑霜霑野草朝爲美少年夕

暮成醜老自非王子晉誰能常美好

又

昔余遊大梁登于黃華顛共工宅玄冥高臺造
清天幽荒邈悠悠悽愴懷所憐所憐者誰子明
察自照妍應龍沉冀州妖女不得眠肆侈陵世
俗豈云永厥年

驅車出門去意欲遠征行征行安所如背棄夸
與名夸名不在已但願適中情單惟蔽皎日高
榭隔微聲讒邪使交流浮雲令晝冥嫵婉同衣
裳一顧傾人城從容在一時繁華不再榮晨朝

奄復暮不見所歡形黃鳥東南飛寄言謝友生
駕言發魏都南向望吹臺蕭管有遺音梁王安
在哉戰士食糟糠賢者處蒿萊歌舞曲未終秦
兵已復來夾林非吾有朱宮生塵埃軍敗華陽
下身竟爲土灰

人知結交易交友誠獨難險路多疑惑明珠未
可干彼求饗太牢我欲井一食損益生怨毒咄
咄復何言

夏后乘靈輦夸父爲鄧林存亡從變化日月有
浮沉鳳凰鳴參差伶倫發其音王子好簫管世

世相追尋誰言不可知青鳥明我心

朝陽不再盛白日忽西幽去此若俯仰如何似
九秋人生若塵露天道邈悠悠齊景升丘山涕
泗紛交流孔聖臨長川惜逝忽若浮去者余不
及來者吾不留願登太華山上與松子遊漁父
知世患乘流泛輕舟

一日復一夕一夕復一朝顏色改平常精神自
損道胸中懷湯火變化故相招萬事無窮極知
謀苦不饒但恐湏臾間魂氣隨風飄終身履薄
冰誰知我心焦

西廂記卷三
本
一日復一朝一昏復一晨容色改平常精神自
飄淪臨觴多哀楚思我故時人對酒不能言悽
愴懷酸辛願耕東臯陽誰與守其真愁苦在一
時高行傷微身曲直何所爲龍蛇爲我隣
有悲則有情無情未無悲苟非纓罔罟何必萬
里畿翔風拂重霄慶雲招所晞灰心寄枯宅曷
顧人間姿曲得忘我難焉灰嘿自遺

木權榮丘墓煌煌有光色白日頽林中翩翩零
路側蟋蟀吟戶牖蟋蟀鳴荆棘蜉蝣翫三朝采
采脩羽翼衣裳爲誰施俛仰自收拭生命幾何

時慷慨各努力

脩塗馳軒車長川載輕舟性命豈自然勢路有所由高名令志惑重利使心憂親昵懷反側骨肉還相讐更希毀珠玉可用登遨遊

橫術有奇士黃駿服其箱朝起瀛洲野日夕宿明光再撫四外羽翼自飛揚去置世上事豈足愁我腸一去長離絕千歲復相望

渾元生兩儀四象運衡機皦日布炎精素月垂景輝晷度有昭回哀哉人命微飄若風塵逝忽若慶雲晞脩齡適余願光寵非已威安期步天

路松子與世違焉得凌霄翼飄飄登雲眉嗟哉
尼父志何爲居九夷

天網彌四野六翮掩不舒隨彼紛綸落汎汎若
浮鳬生命無期度朝夕有不虞列仙停脩齡養
志在冲虛飄飄雲日間邈與世路殊榮名非已
實聲色焉足娛採藥無旋返神仙志不符逼此
良可惑今我久躊躇

王業頌良輔建功俟英雄元凱康哉美多士頌
聲隆陽有舛錯日月不常融天時猶否泰人
事多盈冲園綺遯南岳伯陽隱西戎保身念道

真寵曜焉足崇人誰不善始戡能尅厥終休哉
世上士萬載垂清風

世務何繽紛入道若不遑壯年以時逝朝露待
太陽願攬羲皇轡白日不移光天路皆殊絕雲
漢邈無梁濯髮湯谷濱遠遊崑岳傍登彼列仙
山採此秋蘭芳時路烏足爭太極可翱翔

猗歟世上士恬淡志安貧季業道陵遲馳騫紛
垢塵寧子豈不類揚歌誰肯殉栖栖非我偶惶
惶非已儻咄嗟榮辱事去來味道真道真信可
娛清潔存精神巢由抗高節從此遶河濱

炎暑惟茲夏三旬將欲移芳樹垂綠葉清雲自
逶迤四時更代謝日月遞參差徘徊空堂上切
怛莫我知願覩平生好不見悲別離

梁東有芳草一朝再三榮色容豔姿美光華曜
傾城豈爲明哲士妓蠱諂媚生輕薄在一時安
知百世名路端便媚子但恐日月傾焉見冥靈
木悠悠竟無形

秋駕安可學東野窮路旁綸深魚淵潛矰設鳥
高翔汎汎乘輕舟演漾靡所望吹噓誰以益江
湖相捐忘都冶難爲顏脩容是我常茲年在松

喬恍惚誠夫央

楊朱泣歧路墨子悲染絲揖讓長離別飄飄難
與朝豈徒嫵婉情存亡誠有之蕭索人所悲禍
敗不可辭趙女媚中山謙柔愈見欺嗟嗟塗上
士何用自保持

咄嗟行至老僂俛常苦憂臨川羨洪波同始異
枝流百年何足言但苦怨與讐讐怨者誰子耳
目還相羞聲色爲胡越人情自逼迢招彼玄通
士去來歸羨遊

昔有神仙士乃處射山阿乘雲御飛龍嗟嗟

音機
舍也

小瓊華可聞不可見慷慨嘆咨嗟自傷非

疇類愁苦來相加下學而上通

忽將如何

懸車在西南羲和將欲傾流光曜四海忽忽至
日冥朝爲咸池暉濛汜受其榮豈放窮達士一
死不再生視彼桃李花誰能久熒熒君子在何
許曠世未合并瞻仰景山松可以慰我情

灼灼西隤日餘光照我衣回風吹四壁寒鳥相
因依周周常街羽蛩蛩亦念飢如何當路子磬
折忘所歸豈爲夸與名憔悴使心悲寧與鷺雀
翔不隨黃鵠飛黃鵠遊四海中路將安歸

林中有奇鳥自言是鳳凰清朝飲醴泉日夕栖
山崗高鳴徹九州延頸望八荒適逢商風起羽
翼自摧藏一去崑崙西何時復廻翔但恨處非
位愴恨使心腸

出門望佳人佳人豈在茲三山招松喬萬世誰
與期存亡有長短慷慨將焉知忽忽朝日隕行
行將何之不見季秋草摧折在今時

昔有神仙者羨門及松喬喻習九陽間升遐嘖
雲霄人生樂長久百年自言遼白日隕隅谷一
夕不再朝豈若遺世物登明遂飄颻

鴻鵠相隨飛

荒裔揮翮陵長風須臾萬

里逝朝食琅玕實夕栖丹山際抗身清雲中網羅孰能制豈與鄉曲士携手共言誓

墓前熒熒者木槿濯朱華榮好未終朝連飄隕其葩豈若西山草琅玕與丹禾垂影臨增城餘光照九阿寧微少年子曰久難咨嗟

阮嗣宗集卷三

嵇中散集

琴賦一首 并序

余少好音聲長而翫之以爲物有盛衰而此無
變滋味有厭而此不勸可以導養神氣宣和情
志處窮獨而不悶者莫近於音聲也是故復之
而不足則吟咏以肆志吟詠之不足則寄言以
廣意然八音之器歌舞之象歷世才士並爲之
賦頌其體制風流莫不相襲稱其材幹則以危
苦爲上賦其聲音則以悲哀爲主美其感化則
以垂涕爲貴麗則麗矣然未盡其理也推其所

由似元不解音聲覽其旨趣亦未達禮樂之情也衆器之中琴德最優故綴叙所懷以爲之賦其辭曰

惟椅梧之所生兮託峻嶽之崇岡披重壤以誕載兮參辰極而高驤含天地之醇和兮吸日月之休光鬱紛紜以獨茂兮飛英蕤於昊蒼夕納景于虞淵兮旦晞幹於九陽經千載以待價兮寂神時而永康且其山川形勢則盤紆隱深確崑岑崑互嶺巉巖岵嶠嶮嶮丹崖嶮巖青壁萬尋若乃重巘增起偃蹇雲覆邈隆崇以極壯崛

巍巍而特秀蒸靈液以播雲據神淵而吐溜爾
乃顛波奔突狂赴爭流觸巖觝隈鬱怒彪休洶
涌騰薄奮沫揚濤節汨澎湃蜃蠃相糾放肆大
川濟乎中州安回徐邁寂爾長浮澹乎洋洋縈
抱山丘詳觀其區土之所產毓與宇之所寶殖
珍恠琅玕瑤瑾翕赭叢集累積負衍於其側若
乃春蘭被其東沙棠殖其西涓子宅其陽玉醴
涌其前玄雲蔭其上翔鸞集其巔清露潤其膚
惠風流其間竦蕭蕭以靜謐密微微其清閒夫
所以經營其左右者固以自然神麗而足思願

愛樂矣於是邈世之士榮期綺季之疇乃相與
登飛梁越幽壑援瓊枝陟峻嶒以遊乎其下周
旋永望邈若凌飛邪睨崑崙俯闕海湄指蒼梧
之迢迢臨迴江之威夷悟時俗之多累仰箕山
之餘輝羨斯嶽之弘敞心慷慨以忘歸情舒放
而遠覽接軒轅之遺音慕老童於騁隅欽泰容
之高吟顧茲梧而興慮思假物以託心乃斲孫
枝準量所任至人攄思制爲雅琴乃使離子督
墨匠石奮斤夔襄薦法股僊騁神鍤會裒厠朗
密調均華繪彫琢布藻垂文錯以犀象籍以翠

綠絃以園客之絲徽以鍾山之玉爰有龍鳳之
象古人之形伯牙揮手鍾期聽聲華容灼爚發
采揚明何其麗也伶倫比律田連操張進御君
子新聲燦亮何其偉也及其初調則角羽俱起
宮徵相證叅發並趣上下累應蹻蹻踔踔美聲
將興固以和昶而足耽矣爾乃理正轂奏妙曲
揚白雪發清角紛淋浪以流離奐淫衍而優渥
繁奕奕而高逝馳岌岌以相屬沛騰選而競趣
翕韡韡而繁縟狀若崇山又象流波浩兮湯湯
鬱兮戔戔怫悵煩冤紆餘婆娑陵縱播逸霍濩

紛葩檢容授節應變合度競名擅業安軌徐步
洋洋習習聲烈遐布含顯媚以送終飄餘嚮乎
泰素若乃高軒飛觀廣厦閑房冬夜肅清朗月
垂光新衣翠粲纓微流芳於是噐冷絃調心閒
手敏觸挽如志唯意所擬初涉淥水中奏清徵
雅昶唐堯終詠微子寬明弘潤優游躊躇拊絃
安歌新聲代起歌曰凌扶搖兮憇瀛洲要列子
兮爲好仇餐沆瀣兮帶朝霞眇翩翩兮薄天遊
齊萬物兮超自得委性命兮任去留激清響以
赴會何絃誦之綢繆於是曲引向闌衆音將歇

改韻易調奇弄乃發揚和顏攘皓腕飛纖指以
馳騫紛儼喜以流漫或徘徊顧慕擁鬱抑按盤
桓毓養從容秘翫闔爾奮逸風駭雲亂牢落凌
厲布濩半散豐融披離斐韡與爛英聲發越采
采粲粲或間聲錯糅狀若詭赴雙美並進駢馳
翼驅初若將乖後卒同趨或曲而不屈直而不
倨或相凌而不亂或相離而不殊時刼掎以慷
慨或怨爐而躊躇忽飄颻以輕邁乍留聯而扶
疏或叅譚繁促複疊攢仄從橫駱驛奔逐相逼
拊嗟累讚間不容息瓌豔奇偉殫不可識若乃

閒舒都雅洪纖有宜清和條杲案衍陸離穆溫
柔以怡懌婉順叙而委蛇或乘險投會邀隙趨
危詈若離鷗鳴清池翼若浮鴻翔層嶕紛文斐
尾慊絲離纚微風餘音靡靡猗猗或樓挽櫟捋
縹繚澈冽輕行浮彈明嫿睳慧疾而不速留而
不滯翩緜飄邈微音迅逝遠而聽之若鸞鳳和
鳴戲雲中迫而察之若衆葩敷榮曜春風旣豐
贍以多姿又善始而令終嗟姣妙以弘麗何變
態之無窮若夫三春之初麗服以時乃攜友生
以遨以嬉涉蘭圃登重基背長林翳華芝臨清

流賦新詩嘉魚龍之逸豫樂百卉之榮滋理重
華之遺操慨遠慕而長思若乃華堂曲宴密友
近賓蘭肴兼御旨酒清醇進南荆發西秦紹陵
陽度巴人變用雜而並起竦衆聽而駭神料殊
功而比操豈笙籥之能倫若次其曲引所宜則
廣陵止息東武太山飛龍鹿鳴鷄雞遊絃更唱
迭奏聲若自然流楚窈窕懲躁雪煩下逮謠俗
蔡氏五曲王昭楚妃千里別鶴猶有一切承聞
遙乏亦有可觀者焉然非夫曠遠者不能與之
嬉遊非夫淵靜者不能與之間止非夫放達者

不能與之無矣非夫至精者不能與之析理也
若論其體勢詳其風聲噐和故響逸張急故聲
清間遼故音痺絃長故微鳴性絜靜以端理含
至德之和平誠可以感盪心志而發洩幽情矣
是故懷戚者聞之莫不惛慄惻悽愀愴傷心含
哀懊咿不能自禁其康樂者聞之則欬愉歡釋
忭舞踊溢留連瀾漫嗚喙終日若和平者聽之
則怡養悅愉淑穆玄真恬虛樂古棄事遺身是
以伯夷以之廉顏回以之仁比干以之忠尾生
以之信惠施以之辯給萬石以之訥慎其餘觸

類而長所致非一同歸殊途或文或質總中和
以統物咸日用而不失其感人動物蓋亦弘矣
于時也金石寢聲匏竹屏氣王豹輟謳狄牙喪
味天吳踴躍於重淵王喬披雲而下墜舞鸞驚
於庭階游女飄焉而來萃感天地以致和况蛟
行之衆類嘉斯器之懿茂詠茲文以自慰永服
御而不厭信古今之所貴辭曰愔愔琴德不可
測兮體清心遠邈難極兮良質美手遇今世兮
紛綸翕嚮冠衆藝兮識音者希孰能珍兮能盡
雅琴唯至人兮

兄秀才公穆入軍贈詩十九首

雙鸞匿景曜戢翼太山崖抗首漱朝露晞陽振
羽儀長鳴戲雲中時下息蘭池自謂絕塵埃終
始永不虧何意世多艱虞人來我疑雲網塞四
區高羅正參差奮迅勢不便六翮無所施隱姿
就長纓卒爲時所羈單雄翻孤逝哀吟傷生離
徘徊戀儔侶慷慨高山陂鳥盡良弓藏謀極身
心危吉凶雖在已世路多嶮巇安得反初服抱
玉寶六奇逍遙遊太清攜手長相隨
鴛鴦于飛肅肅其羽朝遊高原夕宿蘭渚邕邕

和鳴顧眄儔侶俯仰慷慨優游容與
鴛鴦于飛嘯侶命儔朝遊高原夕宿中洲交頸
振翼容與清流咀嚼蘭蕙俛仰優游

泳彼長川言息其滸陟彼高岡言刈其楚嗟我
征邁獨行踽踽仰彼凱風涕泣如雨

泳彼長川言息其汜陟彼高岡言刈其杞嗟我
獨征靡瞻靡恃仰彼凱風載坐載起

穆穆惠風扇彼輕塵奕奕素波轉此遊鱗伊我
之勞有懷佳人寤言永思寔鍾所親

所親安在舍我遠邁棄此蓀芷襲彼蕭艾雖曰

幽深豈無顛沛言念君子不遐有害

人生壽促天地長久百年之期孰云其壽思欲登仙以濟不朽攬轡踟躕仰顧我友

我友焉之隔茲山岡誰謂河廣一葦可航徒恨永離逝彼路長瞻仰弗及徒倚彷徨

良馬旣閑麗服有暉左攬繁弱右接忘歸風馳電逝躡景追飛凌厲中原顧眄生姿

攜我好仇載我輕車南凌長阜北厲清渠仰浩驚鴻俯引淵魚盤于遊畋其樂只且

凌高遠眄俯仰咨嗟怨彼幽繫邈爾路遐雖有

好音誰與清歌雖有姝顏誰與發華仰訊高雲
俯託輕波乘流遠遁抱恨山阿

輕車迅邁息彼長林春木載榮布葉垂陰習習
谷風吹我素琴咬咬黃鳥顧儔弄音感寤馳情
思我所欽心之憂矣永嘯長吟

浩浩洪流帶我邦畿萋萋綠林奮榮揚暉魚龍
澆濁山鳥群飛駕言出遊日夕忘歸思我良朋
如渴如饑願言不獲愴矣其悲

息徒蘭圃秣馬華山流磻平臯垂綸長川目送
歸鴻手揮五絃俯仰自得遊心太玄嘉彼釣叟

得魚忘筌郢人逝矣誰可盡言

閑夜肅清朗月照軒微風動桂組帳高褰旨酒
盈尊莫與交懽琴瑟在御誰與鼓彈仰慕同趣
其馨若蘭佳人不存能不永歎

乘風高遊遠登靈丘託好松喬攜手俱游朝發
太華夕宿神州彈琴詠詩聊以忘憂

琴詩自樂遠遊可

珍

含道獨往棄智遺身寂乎

無累何求於人長寄靈岳怡志養神

流俗難悟逐物不還至人遠鑒歸之自然萬物
爲一四海同宅與彼共之予何所惜生若浮寄

暫見忽終世故紛紜棄之八成澤雉雖飢不願
園林安能服御勞形苦心身貴名賤榮辱何在
貴得肆志縱心無悔

秀才答四首附

華堂臨浚沼靈芝茂清泉仰瞻青禽翔俯察綠
水濱逍遙步蘭渚感物懷古人李叟寄周朝莊
生遊漆園時至忽蟬蛻變化無常端

君子體變通否泰非常理當流則義行時遊則
鵲起達者鑒通塞盛衰爲表裏列仙徇生命松
喬安足齒縱軀任世度至人不私已

達人與物化世俗安可論都邑可優游何必棲
山原孔父策良駟不云世路難出處因時資潛
躍無常端保心守道居視變安能遷

飾車駐駟駕言出遊南厲伊渚北登邱丘青林
華茂青鳥群嬉感悟長懷能不永思永思伊何
思齊大儀凌雲輕邁託身靈螭遙集芝圃釋轡
華池華木夜光沙棠離離俯漱神泉仰嘖璫枝
結心皓素終始不虧

幽憤詩一首

嗟余薄祜少遭不造哀莞靡識越在緇綵母兄

鞠育有慈無威恃愛肆姐不訓不師爰及冠帶
馮寵自放抗心希古任其所尚託好老莊賤物
貴身志在守樸養素全真曰余不敏好善闇人
子玉之敗屢增惟塵大人含弘藏垢懷恥民之
多僻政不由己惟此褊心顯明臧否感悟思愆
怛若創痛欲寡其過謗議沸騰性不傷物頻致
怨憎昔慙柳惠今愧孫登內負宿心外慙良朋
仰慕嚴鄭樂道閒居與世無營神氣晏如咨予
不淑嬰累多虞匪降自天寔由頑踈理弊患結
卒致囹圄對答鄙訊繫此幽阻實耻訟免時不

我與雖曰義直神辱志沮澡身滄浪豈云能補
嗷嗷鳴鴈奮翼北遊順時而動得意忘憂嗟我
憤歎曾莫能儔事與願違邁茲淹留窮達有命
亦又何求古人有言善莫近名奉時恭默咎悔
不生萬石周慎安親保榮世務紛紜祇攬予情
安樂必誠廼終利貞煌煌靈芝一年三秀予獨
何爲有志不就懲難思復心焉內疚庶勗將來
無馨無臭采薇山阿散髮岩岫永嘯長吟頤性
養壽

述志詩二首

潛龍育神軀濯鱗戲蘭池延頸慕大庭寢足俟
皇羲慶雲未垂景盤桓朝陽陂悠悠非我匹疇
肯應俗宜殊類難徧周鄙議紛沅離轍軻丁悔
吝雅志不得施耕耨感窳越馬席激張儀逝將
離羣侶杖策追洪崖焦鵬振六翮羅者安所羈
浮遊太清中更求新相知比翼翔雲漢飲露餐
瓊枝多念世間人夙駕咸驅馳冲靜得自然榮
華安足爲

斥鷃擅蒿林仰笑神鳳飛坎井螭蛭宅神龜安
所歸恨自用身拙任意多永思遠實與世殊義

譽非所希往事旣已謬來者猶可追何爲人事
間自令心不爽慷慨思古人夢想見容輝願與
知己遇舒憤啓其微巖穴多隱逸輕舉求吾師
晨登箕山巔日夕不知饑玄居養營魄千載長
自綏

遊仙詩一首

遙望山上松隆谷鬱青葱自遇一何高獨立迥
無雙願想遊其下蹊路絕不通王喬棄我去乘
雲駕六龍飄飄戲玄圃黃老路相逢授我自然
道曠若發童蒙採藥鍾山隅服食改姿容蟬蛻

棄穢累結友家板桐臨觴奏九韶雅歌何邕邕
長與俗人別誰能覩其踪

六言十首惟上古堯舜

二人功德齊均不以天下私親高尚簡樸茲順
寧濟四海烝民

唐虞世道治

萬國穆親無事賢愚各自得志晏然逸豫內忘
佳哉爾時可喜

知慧用

爲法滋章冠生紛然相召不停大人玄寂無聲

鎮之以靜自正

名與身孰親

哀哉世俗徇榮馳騫竭力喪精得失相紛憂驚
自是勤苦不寧

生生厚招咎

金玉滿堂莫守古人安此寵醜獨以道德爲友
故能延期不朽

名行顯患滋

位高世重禍基美色伐性不疑厚味腊毒難治
如何貪人不思

東方朔至清

外以貪汙內貞穢身滑稽隱名不爲世累所撓
所欲不足無營

楚子文善仕

三爲令尹不喜柳下降身蒙耻不以爵祿爲已
靜恭古惟二子

老萊妻賢名

不顧夫子相荆相將避祿隱畊樂道間居採萍
終厲高節不傾

嗟古賢原憲

棄背膏粱朱顏樂此屢空飢寒形陋體逸心寬
得志一世無患

重作四言詩七首

一作秋
胡行

富貴尊榮憂患諒獨多富貴尊榮憂患諒獨多
古人所懼豐屋蔀家人害其上獸惡網羅惟有
貧賤可以無他歌以言之富貴憂患多

貧賤易居貴盛難爲工貧賤易居貴盛難爲工
耻佞直言與禍相逢變故萬端俾吉作凶思牽
黃犬其計莫從歌以言之貴盛難爲工

勞謙寡悔忠信可久安勞謙寡悔忠信可久安

天道害盈好勝者殘彊梁致災多事招患欲得
安樂獨有無憊歌以言之忠信可久安

役神者弊極欲疾枯役神者弊極欲疾枯顏回
短折不及童烏縱體淫恣莫不早徂酒色何物
今自不辜歌以言之酒色令人枯

絕智棄學遊心於玄默絕智棄學遊心於玄默
遇過而悔當不自得垂釣一壑所樂一國被髮
行歌和者四塞歌以言之遊心於玄默

思與王喬乘雲遊八極思與王喬乘雲遊八極
凌厲五岳忽行萬億授我神藥自生羽翼呼吸

太和練形易色歌以言之思行遊八極

徘徊鍾山息駕於層城徘徊鍾山息駕於層城
上蔭華蓋下采若英受道王母遂升紫庭逍遙
天衢千載長生歌以言之徘徊於層城

思親詩一首

奈何愁兮愁無聊恒惻惻兮心若抽愁奈何兮
悲思多情鬱結兮不可化奄失恃兮孤瑩瑩內
自悼兮啼失聲思報德兮邈已絕感鞠育兮情
剥裂嗟母兄兮永潛藏想形容兮內摧傷感陽
春兮思慈親欲一見兮路無因望南山兮發哀

歎感机杖兮涕洟瀾念疇昔兮母兄在心逸豫
兮壽四海忽已逝兮不可追心窮約兮但有悲
上空堂兮廓無依覩遺物兮心崩摧中夜悲兮
當誰告獨救淚兮抱哀戚日遠邁兮思予心戀
所生兮淚不禁慈母沒兮誰與驕顧自憐兮心
忉忉訴蒼天兮天不聞泪如雨兮嘆青雲欲弃
憂兮尋復來痛殷殷兮不可裁

郭遐周贈三首

附

吾無佐世才時俗不可量歸我北山阿逍遙以
倡佯同氣自相求虎嘯谷風涼惟予與嵇生未

面分好章古人美傾蓋方此何不臧援箏執鳴
琴携手遊空房棲遲衡門下何願於姬姜予心
好永年年永懷樂康我友不期卒改計適他方
巖東咸發日翻然將高翔離別在旦夕惆悵以
增傷

風人重離別行道猶遲遲宋玉哀登山臨水送
將歸伊此往昔事言之以增悲嘆我與嵇生倏
忽將永違俯察淵魚遊仰觀雙鳥飛厲翼太清
中徘徊於丹池欽哉得其所令我心獨違言別
在斯須怒焉如調饑

離別自古有人非比目魚君子不懷土豈更得
安居四海皆兄弟何患無彼姝巖穴隱傳說寒
谷納白駒方各以類聚物亦以群殊所在有智
賢何憂此不如所貴身名存功烈在簡書歲時
易過歷日月忽其除勗哉乎嵇生敬德在慎軀

郭遐叔贈五首附

每念邁會惟日不足昕徃宵歸常苦其速歡接
無厭如川赴谷如何忽爾將適他俗言駕有日
巾車命僕思念君子溫其如玉心之憂矣視丹
如綠

如何忽爾超將遠遊情以休惕惟思惟憂展轉
反側寤寐追求馳情運想神徃形留心之憂矣
增其勞愁

不見可欲使心不亂譬彼造化抗無崖畔封壇
畫界事利任難唯予與子不同貫交重情親
欲面無筭如何忽爾時適他館明發不寐耿耿
極且心之憂矣增其憤怨

天地悠長人生若忽苟非知命安保旦夕思與
君子窮年卒歲優哉逍遙幸無隕越如何君子
超將遠邁我情願關我言願結心之憂矣良以

忉怛

君子交有義不必常相從天地有明理遠近無
異同三仁不齊迹貴在等賢蹤衆鳥群相追鷲
鳥獨無雙何必相啣濡江海自可容願各保遐
心有緣復來東

答二郭三首

天下悠悠者下京趨上京二郭懷不群超然來
北征樂道託萊廬雅志無所營良時遘其願遂
結歡愛情君子義是親恩好篤平生寡志自生
災屢使衆譽成豫子匿梁側聶政變其形顧此

懷怛惕慮在苟自寧今當寄他域嚴駕不得停
本圖終宴婉今更不克并三子贈嘉詩馥如幽
蘭馨戀土思所親不知氣憤盈

昔蒙父兄祚少得離負荷因疏遂成懶寢跡北
山阿但願養性命終已靡有他良辰不我期當
年值紛華坎壈趣世教常恐嬰網羅義農邈已
遠拊膺獨咨嗟朔戒貴尚容漁父好揚波雖逸
亦以難非余心所嘉豈若翔區外食瓊漱朝霞
遺物棄鄙累逍遙遊太和結友集靈岳彈琴登
清歌有能從此者古人何足多

詳觀凌世務屯險多憂虞施報更相市大道匿
不舒夷路值枳棘安步將焉如權智相傾奪名
位不可居鸞鳳避爵羅遠託崑崙墟莊周悼靈
龜越稷嗟王輿至人存諸已隱璞樂玄虛功名
何足殉乃欲列簡書所好亮若茲楊氏歎交衢
去去從所志敢謝道不俱

與阮德如一首

含哀還舊廬感切傷心肝良時邁數子談慰臭
如蘭疇昔恨不早旣面侔舊歡不悟卒永離念
隔悵憂嘆事故無不有別易會良難郢人忽已

逝匠石寢不言澤雉窮野州靈龜樂泥蟠榮名
穢人身高位多災患未若捐外累肆志養浩然
顏氏希有虞隰子慕黃軒涓彭獨何人唯志在
所安漸漬殉近欲一往不可攀生生在豫積勿
以怵自寬南土旱不涼衿計宜早完君其愛德
素行路慎風寒自力致所懷臨文情辛酸

阮德如答二首

附

早發溫泉廬夕宿宣陽城顧眄懷惆悵言思我
友生會遇一何幸及子邁歡情交際雖未久恩
愛發中誠良玉須切磋璵璠就其形隋珠豈不

曜雕瑩啓光榮與子猶蘭石堅芳互相成庶幾
行古道伐檀俟河清不謂中離別飄飄然遠征
臨輿執手決良誨一何精佳言盈我耳援帶以
自銘唐虞曠千載三代不可并洙泗久已徃微
言誰共聽曾參易簣斃仲由結其纓晉楚安足
慕屢空守以貞潛龍尚泥蟠神龜隱其靈庶保
吾子言養真以全生東野多所患暫徃不久停
幸子無損思逍遙以自寧

雙美不易居嘉會故難常爰處憇斯土與子邁
蘭芳常願永遊集拊翼同廻翔不悟卒永離一

別爲異鄉四牡一何速征人告路長顧步懷想
像遊目屢太行撫軫增嘆息念子安能忘恬和
爲道基老氏惡強梁患至有身災榮子知所康
神龜實可樂明戒在剗腸新詩何篤穆申詠增
慨恍舒檢話良訊終然永厭藏還誓必不食復
與同故房願子盪憂慮無以情自傷俟路忘所
以聊以酬來章

酒會詩七首

樂哉苑中遊周覽無窮已百卉吐芳華崇基邈
高跼林木紛交錯玄池戲魴鯉輕丸斃翔禽纖

綸出鱸鮓坐中發美讚異氣同音軌臨川獻清
酤微歌發皓齒素琴揮雅操清聲隨風起斯會
豈不樂恨無東野子酒中念幽人守故彌終始
但當體七絃寄心在知己

淡淡流水淪胥而逝汎汎栢舟載浮載滯微嘯
清風鼓楫容裔放櫂投竿優游卒歲

婉彼鴛鴦戢翼而遊俯啞綠藻託身洪流朝翔
素瀨夕棲靈洲搖蕩清波與之沉浮

蘭池和聲激朗操縵清商遊心大象傾昧
脩身惠音遺嚮鍾期不存我志誰賞

歛絃散思遊釣九淵重流千仞或餌者懸猗與
莊老栖遲永年寔惟龍化蕩志浩然

肅肅冬風分生江湄却背華林俯泝丹坻含陽
吐英履霜不衰嗟我殊觀百卉具腓心之憂矣
孰識玄機

猗猗蘭藹殖彼中原綠葉幽茂麗蓋濃繁馥馥
蕙芳順風而宣將御椒房吐薰龍軒瞻彼秋草
悵矣惟騫

雜詩一首

微風清扇雲氣四除皎皎亮月麗于高隅興命

公子攜手同車龍驥翼翼揚鑣踟躕蕭蕭宵征
造我友廬光燈吐輝華幔長舒鸞觴酌醴神鼎
烹魚絃超子野歎過絲駒流詠太素俯讀玄虛
孰克英賢與爾剖符

嵇中散集 終